

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

四庫全書存目叢書

子部
第一四九冊

魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB66/05

四庫全書存目叢書·子部一四九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 53 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

子部第一四九冊目次

子部·雜家類

福壽全書六卷

〔明〕陳繼儒撰
中國科學院圖書館藏明末刻本

可如六卷(存卷一至卷三)

〔明〕董德鏞撰
浙江圖書館藏清鈔本

枕函小史四卷

〔明〕閔子忱輯
遼寧省圖書館藏明松筠館刻朱墨套印本

萃古名言四卷

〔明〕趙民獻輯
首都師範大學圖書館藏明崇禎元年刻本

昨非菴日纂二十卷二集二十卷三集二十卷(一)

〔明〕鄭瑄輯
中國科學院圖書館藏明崇禎刻本
四六八

福壽全書六卷

〔明〕陳繼儒撰

中國科學院圖書館藏明末刻本

附《四庫全書總目·福壽全書

無卷數》提要

福壽全書序

陳子所輯福壽全書成
亟示余余受讀之既曰
此陳子之書而天下後
世德行之門也夫夫古
先王教明道行詩書禮
樂爲人經中正仁義爲
人行上育其民士厲其

俗罔弗若也世下而經
行不廸民廼用戾大人
先生其能以善及人者
譬如卿雲瑞露之以時

首序二

見而器車海觀之不世
出也况夫一行作吏簿
書短其目力錢穀亂其
心志則又以宇內之人

心爲遯不及計者邪嗚
呼天下其奚繇以治也
余近觀世變竊以爲內
外之訐異不足定而無

首序三

教化爲大憂食貨刑獄
瑣細不足詰而人心之
褊靡險競爲至慮無教
化則不順倫而觀史冊

未有之悖事人心褊靡
險競則不審自立不知
止足而爲一日無關名
教之小人故陳子之書

首序四

不可不讀也陳子視事
南庾籬扒概量日不暇
給能於此中便以千秋
百世之人心爲已任其

識量可謂遠矣二十類
具在扶頽俗醒凡心以
此起教化而正人心庚
庚乎易知而易行也詩

首序五

書禮樂求其所驗中正
仁義取其可表蓋無若
斯所載之爲明矣故陳
子修其謙以爲是今古

之成文吾則纂之而余
斷以爲是陳子之書而
天下後世德行之門也
余以甲子之役得陳子

首序六

已知其有安治天下之
材今其夙夜秉塞又若
此然則陳子之壯猷伊
始稱是以行之余之爲

世變而憂之慮之者得
陳子而可以大匡矣陳
子之友有光衷顏子者
其廸吉錄諸書與陳子

首序七

同旨而異目訓誡末俗
深厚惟均余也亦得以
一日長序而行之今顏
子以兼經登用於



時矣然則余何文文在

二子焉爾

鹿城友生顧錫疇

題

許序八



福壽金書序

范文素自浚仕未嘗釋卷人或勉之
文素曰昔有異人嘗與吾言他日必為
大任焉此言無學術何以發之甚哉
其言之闕達也士人一頂進賢不知者
謂黃葉謂叩門磚子讀書之債已矣

序

許序一

試問伏軾受事以來入性命出事功乎
逢萬波披離震灼畢竟得力知在
何處其間有得有失再波注快毫
從早惡乃始悔未極屏書恨吾人見
我晚也人、稱我而事過輒已其何
艱稱諛博惟托拾函異矣法梨素

此搜神雜俎輟耕錄誕繁辨說云
資談柄猶可以適于用若輦悅我同
年鄭漢奉氏腹笥行祕文蒼夙脰
四方幸未及初余兩人寓于燕之甯壽
披帷人在手自刪營及與商略輒遂
無不以礪礪名行為務余已知其致

序

許序二

力在此視曹陪庾傍蔭凜然鴻雁無
碧鼠雀無耗行突之不黔時告西園
書呻哦之外園不暇窺多采昨非菴
日纂廿卷遠函徵序朱益儀澤在
之情你而見越也夫使澤奉案向于
鍾阜虎恆宅能振送流徽歷元白

而倒之昂與螭魚爭食祕冢洗剔奇
畫若估屈教牙者綆脩以汲膏腴未
幟別壇漢奉固以無益而不出乎此
也漢奉非言其取言正言其以行言
其所言雖澤奉之言而皆古人之言
言其取行雖古人之行而實澤奉

序

許序三

之行昔人不云乎讀子卷而必行得一
字則茲編也謂漢奉現身說法
可矣

年社弟許多頓首題于席曙
之清隸堂



福壽凡例

一 茲編事不炫奇辭。語不求綺奧。取其有關世教。倫常。修德。釋回。足當迷津。一筏者。卽習聞習覩。不妨錄存。

一 孔孟道德。夔稷經綸。揭日月而行者。已史不勝書。只就往昔前修中。擇其吾儕可學而至。可勉而及者。奉爲型典。

歷代典冊。時賢著述。或行可爲師。或言堪

凡例一

作佩者。隨展隨閱。隨閱隨抄。以故有先秦於周。後漢於晉。甚而先今於古者。位置不拘。世序。

每類中。熒慝並列。法戒兼存。佩蘭借石。兩路夾攻。無非欲人思省。靈光無可閃遁處。管窺蠡測。耳目疎庸。其於身世出處。天人問學之故。何啻九牛一毛。海內名公。按覽所窮。耳目所親。嘗嘉言美行。凡可以扶

頽俗。醒凡心者。不拘古昔。近代箇中定多秘錄。無吝郵示。以嗣續刻。

福壽全書目錄

一卷

惜福

內省

宦澤

解紛

二卷

敦本

永操

守雌

三卷

八日集

靜觀

口德

徑地

四卷

廣慈

悔過

汪度

五卷

種德

頤真

坦遊

六卷

紹穎

詒謀

方便

冥果

福壽全書

殿上刻耕夫一箸半餐念夏畦幾番揮汗屨
中繪織女寸縑尺帛思寒窗無數拋梭昔人
示儉有草茂侈有銘無非爲此身留餘地勿
謂布被皆詐也

雲間陳繼儒識

宋仁宗嘗語近臣曰昨因不寐而饑思食燒羊
近臣曰何不索取曰恐遂爲例寧忍一夕之

精義一

饑不可啓無窮之殺或獻蛤蜊二十八枚枚
千錢曰一下飭費二十八千吾不堪也遂不
受獻

元世祖每思太祖創業艱難俾取所居地青草
一株置大內丹墀前謂之示儉草蓋欲使子
孫知勤儉之節也

宋虞愿爲散騎常侍明帝起湘宮寺費極侈又
起莊嚴剎十層不可立分爲兩剎各五層帝

曰卿至湘宮寺未我起此寺是大功德愿曰
陛下起此寺皆百姓賣兒鬻婦之資佛若有
知當悲哭哀愍罪高浮屠何有功德

王旦晚年官尊每家人賀壽立止之因語曰遭
遇如此愈增憂懼何可賀每賜祿見家人置
於庭瞑目嘆曰生民膏血安用許多每見家
人服飾卽瞑目曰吾門素風一至如此故家
人有一衣稍華必就庫易之不敢令公見

精義二

乖崖爲令嘗坐城門外見有負菜歸者問安得
此曰買之市公怒曰汝居田里不自種而食
何惰邪笞而遣之

家坐無聊不念食力擔夫紅塵赤日汝官不達
尚有高才秀士白首青襟

齊虞玩之爲少府躡屐造席高帝取屐視斷處
以芒接之玩之曰初釋褐時買此已三十年
矣帝賜新屐不受曰遺簪敝席不忍棄也

宋廢帝賜沈慶之几杖給三望車慶之每朝賀
乘輶鼻無憾車履行田園無人從行遇者不
知爲三公嘗曰我每行田園有人時與馬成
三無人時與馬成二乘此車安之乎并所賜
几杖固讓不受

李若谷爲長社令日懸百錢於壁用盡即止東
坡謫齊安日用不過百五十用不盡者以竹
筒貯待客嘗云口腹之欲何窮每加節儉亦

惜福延壽之造

石崇僭擬王者庖膳窮水陸後房百數皆統綉
金翠而絲竹盡一世之選竟以懷寶取禍及
見收謂曰奴輩利吾財耳收者曰早知財能
取禍何不散之崇無以對斬於市

鄭亨仲日以數十錢懸壁間椒桂葱薑皆約一
二錢曰吾平生貧苦晚年登第稍覺快意便
成奇禍今學張子韶法要見舊時薑鹽風味

甚長久也

李德裕每一杯羹約費錢三萬集珠玉寶貝雄
黃硃砂煎汁過三沸即棄其滓侈汰如此崖
州之行豈可專事牛奇章來

漢明帝馬后既正位愈自謙肅常衣練裙不加
緣朔望諸姬謁望見以爲綺縠就視乃笑后
曰此繒特宜染色故用之耳

口腹何常之有石虎食蒸餅必以乾棗胡桃瓢

爲心使坼裂方食及爲冉閔所篡幽廢思不
裂者而無從致之唐貴家于炊食必用煉炭
不爾便嫌烟氣及亂離市脫粟飯之不啻
珍豈口腹前貴而後賤哉彼揀擇精好皆嬌
奢使然非天生而然也吾見南方膏粱子弟
必擇甘毳溫柔調以酥酪恐傷其胃而疾病
正自不少北方嬰兒臥土炕啜麥飯十餘歲
不知酒肉而強壯自如若乞丐之子生即受

凍忍餓日一文錢。便果其腹。人生何常幸處。
富貴羸餘。時時思及凍餒。無令過分物無精。
祖隨遇而安。此亦動心忍性之一端也。

巴東僧得一青磁碗。携歸折花供佛。前明日花
滿其中。置少米。經宿米亦滿。錢及銀皆然。自
是院中富盛。院主年老一日。取碗擲於江。弟
子驚愕。師曰。吾死汝輩寧能謹飭乎。棄之不
使汝增罪也。

附錄五

東坡硯銘。或謂居士。吾往端溪。可爲公購硯。居
士曰。吾兩手共一解。寫字而有三硯。何以多
爲。曰。以備損壞。居士曰。吾手或先硯壞。
荆南孫儒之亂。米斗四十千。持金寶。換易纔得
一撮。謂之通腸米。言饑人忌他食。惟煎米飲
之。可稍通腸胃。

宋王允良。旦寢暮興。燃燈治事。飲食宴樂。達旦
始罷。人以爲疾。余以爲此。驕癖非疾也。每旦

附錄六

純穉子弟。常有日午始興。雞鳴始寢者。然貧
賤之家。無之也。賢子弟。無之也。勤以治生者。
無之也。驕奢淫佚。反天地之性。不祥莫大焉。
溟滓子居鄉。見枵腹終日者。皇皇求一飽而不
得也。冬日單衣。敗而不蔽體也。農夫終歲力
田。莫給租稅。富商大賈。鮮衣怒馬。田連阡陌。
傭保胼胝作勞。日僅錙銖。官人坐堂皇。事敲
朴而囊鉅萬。貧民日饜糟糠。純穉子厭常味。

而廣求珍羞。以競豪奢。賤婦荆布不足貴。家
姬耻常服。而盛購新奇。以誇美麗。廣厦細旃。
侍者不稱苦。而坐者稱苦。安車遠道。負者不
言勞。而乘者言勞。擁重裘。坐煖室。猶然畏寒。
而山中之樵。手足皸於冰雪。揮羽扇。臨水亭。
酒然怯暑。而道上之旅。流汗浹於背。肩嗟嗟。
孰非屬毛離裏者。乃苦樂霄壤若此也。溟滓
子惻然。欲請於帝。而均之。夫均之上帝之力。

能矣能而不均必有說乎然旗泮子不忍見也。

呂蒙正爲相有士藏古鑑能照二百里欲獻以求知公曰吾面不過櫟子大安用照二百里聞者嘆服以爲賢於李衛公。

東坡云吾借王參軍地種菜不及半畝而吾與子過終年飽菜夜半解酒輒擲菜煮之味含七膏氣飽霜露雖梁肉不能及也。人生須底

入 惜福七

物而乃更貪耶乃作詩秋來霜露滿東園蔬蔬生兒芥有孫我與何曾同一飽不知何苦食豚余題其廬曰安蔬。

陶侃爲荊州刺史見人持一把未熟稻侃問何爲人云行道所見聊取之耳侃怒曰汝既不田復戲賊人稻執而鞭之。

唐乾符初有豪士錦衣玉食嘗謂門僧聖剛曰凡以炭炊飯先令燒熟謂之煉炭不然猶有

煙氣難餐及被寇財產標盡昆仲數人與聖剛同竄俄伏山草中賊退買脫粟飯以上杯同食美於梁肉僧笑曰此非煉炭所爲豪士慙而無對。

宋張九成初年貧寒衣衾不備有送襲衣者却不受曰士處貧苦正是做工夫時節若不痛自砥礪則貪心生廉耻喪矣工夫何在。

入 惜福八

雪峰巖頭欽山至吳山下濯足澗側見菜葉而喜指謂二人曰此山必有道人可沿流尋之雪峰志曰汝智眼太濁他日如何辨人彼不惜福如此住山何爲哉入山果無名衲。

東坡投荒時答程大侔云此間食無肉病無藥居無室出無友冬無炭夏無寒泉大率皆無耳余擁山居公所無者盡有之不省何德享此惟日拈瓣香向古佛誠罪耳。

旗泮子布衣時無負郭田一畝就屋而居今猶

故也。一日謂婦曰：某官拙如此，若輩應餓死矣。婦笑曰：君爲布衣，不餓死，今有俸，安得餓？或得數金，置春衫買魚，進大夫人，揚揚稱富。則又笑謂婦曰：子無輕視數金，吾昔以教授自給，卽數金坐冷，適終歲，今揚揚坐公府，而旦暮得之，於某足矣。

永寧公主嘗衣鋪翠襦，宋主謂曰：自今勿爲此。飾公主笑曰：所費幾何？宋主曰：不然，主家服此宮闈，戚里必相效。京城翠羽價高，小民逐利，傷生浸廣，實汝之由。汝生長富貴，當念惜福，豈可造此惡業之端？

趙孝以父田禾將軍任爲郎，每告歸，常白衣步檐，嘗從長安還，欲止郵亭，亭長先時聞孝當過，麗掃待之。孝既至，不自名，長不肯納。因問曰：出不將軍子，從長安來，何時至乎？孝曰：尋到矣。於是遂去。

廿二梅先生通五經，從學甚衆，有其徒御史謁先生於家，留之饌，唯葱湯麥飯而已。因口昇一詩云：葱湯麥飯丹田煖，麥飯葱湯也可憐。試向城樓高處望，人家幾處未炊烟。噫，意深矣。

儉與慳原是二種。漢文帝衣不曳地，露臺惜百金之產，至百姓租稅動輒蠲免，此真儉也。若夫急於聚斂，廣田宅，遺子孫，至應酬交際，草惡酸齏，此直貪而鄙耳。夫儉不奪人以奉爲儉，得乎？

王旦居家有貨玉帶者，弟謂佳甚，呈公命繫之。曰：還見佳否？弟曰：繫之安得？自見公曰：自負重而使觀者稱好，無乃勞乎？亟還之。

宋王沂公曾與孫冲同榜，冲子京往謁沂公，留云：喫飯了去。飭子弟云：已留客，安排饅頭飯。頭時爲盛饌也，食後盒中送數軸，簡紙開看。